

【**苾芻**〔音必〕**芻**〔音除〕】

（科註 1000 頁第 7 行 第 500 | 501 集 2012 年 9 月 6 | 7 日）

《佛學大辭典》（節錄）：（術語）*bhikṣu*，又云 *bi 芻*〔音必〕芻。同於舊譯之比丘。譯曰乞士、除士、除饑男、熏士、道士等。出家為佛弟子，受具足戒者之都名也。以此方無正翻之語，故經論中多存比丘。

苾芻之梵名，或以乞士、破煩惱之二義解之，或以淨乞食、破煩惱、淨持戒、能怖魔之四義釋之。

乞士者，以彼自無所營，乞人之信施而清淨活命故也。

破煩惱者，以修聖道而破煩惱故也。

淨持戒者，以受持盡形淨戒故也。

能怖魔者，以必入涅槃使魔畏怖故也。

【**天龍、藥叉至摩睺羅伽**】

（科註 1000 頁第 7 行 第 501 | 502 集 2012 年 9 月 7 | 8 日）

《三藏法數》「八部」條：〔出翻譯名義〕夫佛之垂化也，道濟百靈；法之傳世也，慈育萬有。三乘賢聖，既肅爾以歸依；八部鬼神，亦森然而翊衛（**弼輔護衛**。翊，音易）。故諸經中，多列八部之眾也。（三乘者，聲聞乘、緣覺乘、菩薩乘也。）

一、天：天者，天然自然，樂勝身勝，清淨光明，尊勝無

比，故名為天。列位雖多，必以大梵帝釋為首。蓋大梵是大千世界之主，帝釋是三十三天之主故也。（大梵，即色界天也。帝釋，梵語釋提桓因，華言能天主。三十三天主者，謂帝釋與三十二人同修戒善，生忉利天，而帝釋為天主也。）

二、龍：龍者，神靈之物，孔雀經及大雲等經，各列諸龍并龍王，名字不一，皆言其能護持佛法也。

三、夜叉：梵語夜叉（又作藥叉），華言勇健，亦名暴惡。有三種：一者在地，二者在虛空，三者在天。地夜叉不能飛騰，虛空與天二夜叉，皆能飛行也。

四、乾闥婆：梵語乾闥（音踏）婆，華言香陰。陰，即身也。不啖酒肉，惟香資陰，故名香陰。是帝釋天主樂神，在須彌山南，金剛窟住。天主欲作樂時，即上天也。（梵語須彌，華言妙高。）

五、阿修羅：梵語阿修羅，華言無端正，以男多醜而女端正故，又云非天。謂此神果報最勝，鄰次諸天，而行非天也。其所居宮殿城郭器用，降於地居天一等；亦有婚姻男女法式，略如人間。（地居天者，即三十三天及四天王天也。）

六、迦樓羅：梵語迦樓羅，華言金翅，即金翅鳥神，其翮（音和。鳥之翅膀也）金色故也。兩翅相去三百三十六萬里。頸有如意珠，以龍為食。

七、緊那羅：梵語緊那羅，華言疑神。似人而頭有角，亦

帝釋天主樂神也。

八、摩睺羅伽：梵語摩睺羅伽，華言大腹行。羅什法師云：是地龍而腹行。又云：是大蟒神而腹行也。